



UNIVERSITÄTS-
BIBLIOTHEK
PADERBORN

Universitätsbibliothek Paderborn

Enarratio Epistolæ Prioris Ad Timothevm, Et Dvorvm Capitum secundæ

Melanchthon, Philipp

Vitebergæ, 1561

VD16 M 3167

Vnius vxoris virum.

urn:nbn:de:hbz:466:1-36308

quit Luca 3. Ego baptizo uos aqua, alius autem baptizabit uos igni & Spiritu sancto. Et Matth: 13. confertur Ecclesia sagena in qua boni & mali pisces sunt, ita & in tota Ecclesia & in ministerio sunt boni & mali, Sed tamen de doctrina consentientes. His admonitionibus hoc loco contenti sumus.

Vnius uxoris virum.

Vult ministrum Euangelij castum esse, siue maritum, siue cœlibem. Et quia pauci sunt ad uitam cœlibem idonei, posuit alteram partem, iubet eligi maritum honestum, Ac mentionem coniugij facit etiam hanc ipsam ob causam, ut ostendat concedi coniugium omnibus Euangelij ministris. Omitto autem disputationes de digamia. Vetustas digamos nominabat eos, qui eodem tempore plures coniuges habebant, pater Samuelis fuit digamus, sed postea multe fatuæ opiniones nate sunt quas non libet recitare.

Tenenda est autem in Ecclesia doctrina, quod coniugium sit legitima & inseparabilis coniunctio, tantum unius maris & unius foeminae, iuxta primam institutionem, Et Dominus reuocat Ecclesiam ad primam institutionem. Erunt duo in carnem unam, id est, unus mas & una foemina inseparabiliter iuncti. Cum autem moritur aut

G 2 maritus

I. EPISTOLA AD

maritus aut uxor, concessum est aliud legitimum
coniugium contrahere, ut infra de uiduis dicitur,

Sobrium ἡσώφρονα.

Vocabulum ἡσώφρονα supra enarratum signi-
ficat modestum in genere, interdum & pro tem-
perantia & pro continentia usurpatur nomen
σώφροσύνη. Nomen modestie generalius est,
Significat enim uirtutem, quæ etiam in opinionibus
sermone & gestu conuenientiam seruat, ut
Roman: 12. opponit superbis, arrogantibus, in-
stabilibus, Thrasionibus, Ardelionibus.

κόσμιον.

Vicinum est σώφροσύνη, sed proprie signi-
ficat à leuitate seu scurrilitate alienum. Non de-
ditum indignis ludis aut ineptijs, in uestitu & ge-
stu, Sicut Cardinales Gallici reuersi ex electione
Pauli pontificis, Venetijs inuitarunt meretricem,
Et apud eas saltarunt saltationes Gallicas.

Hospitalem.

Hæc species beneficentiæ sæpe laudatur in
concionibus diuinis, & imprimis necessaria est in
Ecclesia, propter crebra, exilia piorum. Vult
autem Deus nos cogitare cur in mundo exili-
mus Ecclesia, uidelicet, uult nos recordari primi
exilium in quo patriam cœlestem amisimus. De
ind